

ԱՌՆՁՈՒԹՅՈՒՆ ՈՒՆԵՂ ԹՈՒՐԷՆՐԸ ՍՈՒՄԵՐՆԵՐԻ ԵՎ ՀԵԹԵՐԻ ՀԵՏ

Ե. Հ. ՏՈՒՐԱԳՅԱՆ

Վերջին տասնամյակների ընթացքում թուրք պատմագրությունը տարածում է հակագիտական և հակապատմական տեսություններ, որոնք կոչված են «հիմնավորելու» այն տեսակետը, թե թուրքերը Փոքր Ասիայում (Անատոլիա) հաստատված են եղել մ. թ. ա. III հազարամյակում: Թուրք հնագետ Շ. Ա. Կանսուն «հայտնաբերում է» «թուրքական պալեոլիթյան մշակույթ» և «թուրքական նեոլիթյան մշակույթ» այն Փոքր Ասիայում, որտեղ թուրք ցեղն առաջին անգամ ոտք է դրել մեր թվագրության XI—XIII դարերում միայն:

Հետապնդելով քաղաքական ու ռասիստական որոշակի նպատակներ, թուրք պատմագրությունը նենգափոխում է գիտությանը վաղուց հայտնի փաստերը: Այդ գործում արտակարգ եռանդ են հանգես բերում է՛սառ Ուրասը իր «Tarihte Ermeniler ve Ermeni meselesi» գրքով և Ֆահրեդդին Կըրզի օղլին իր «Kars tarihi» աշխատությունով:

«Թուրքական հանրապետության կազմակերպումից հետո,— գրում է սովետական պատմաբան Դ. Եվգենևը,— թուրք պատմագրությունը թուրքերի էթնոգենեզի հարցերում չխուսափեց շփմնավորված էթնոգենետիկական կոնցեպցիաների առաջաշումից, չարդարացված հիպոթեզներից: ...Քեմալիստները խնդիր գրեցին գիտականորեն հիմնավորել թուրքերի իրավունքը Փոքր Ասիայի տերիտորիայի նկատմամբ, մասնավորապես ապացուցել անատոլիական թուրքերի «բնաշխարհիկ» լինելը: Այս կոնցեպցիան գրվեց ազգային հարցի և թուրքերի էթնոգենեզի վերաբերյալ բազմաթիվ աշխատությունների հիմքում»:

«Աթաթուրքի մահից հետո և համաշխարհային երկրորդ պատերազմի տարիներին,— գրում է նույն հեղինակը,— ...թուրք հետադիմական և ագրեսիվորեն տրամադրված շրջաններն սկսեցին համառորեն պնդել ու ազդել կառավարության վրա, որ Թուրքիայի արտաքին քաղաքականությունը կողմնորոշվի դեպի ֆաշիստական Գերմանիան: Աշխուժացան պանթուրքիզմի և գերմանական իմպերիալիզմի կապերը: Ստեղծվեցին կապեր ֆաշիզմի հետ: Պանթուրքիստները սկսեցին պրոպագանդա թուրք լեզվով խոսող ժողովուրդների տերիտորիաները նվաճելու մասին»²: 1941 թ. հուլիսին հրատարակված «Մեծ Թուրքիայի» քարտեզը ընդգրկում էր սովետական Անդրկովկասը և Միջին Ասիան³:

¹ Д. Е. Евгеньев, Вопросы этногенеза в турецкой исторической литературе, (в сборнике „Этнические процессы и состав населения в странах Передней Азии, М.—Л., 1963, էջ 71, 73),

² Նույն տեղում, էջ 82:

³ Նույն տեղում:

Նրեան են գալիս «պատմական» նոր աշխատություններ, «որոնց հիմնական առանձնահատկությունն է հանդիսանում այն, որ թուրքալեզու ժողովուրդները ներկայացվում են որպես մի բուրդ. բարձունքում կանգնած են թուրքերը, որպես ուղն ու ծուծը ամբողջ թուրքալեզու ընտանիքի: Պատմության վերաբերմամբ այդպիսի հայացքը պետք էր պանթուրքիստներին նրա համար, որպեսզի հիմնավորեն թուրքախոս ժողովուրդների միությունը: Թուրքիայի ղեկավարությունները»⁴: 1952 թ. վերահրատարակվեց Գյոքալպի «Պանթուրքիզմի հիմունքները» գիրքը, որը 1959 թ. լույս տեսավ Ամս-ում և Անդլիայում անդլերեն լեզվով: Մեկը մյուսի հետևից լույս են տեսնում է սատ Ուրասի և Ֆահրեդդին Կըր-պի օղլիի գրքերը:

Պանթուրքիզմի այդ բոլոր նկրտումները հիմնավորելու համար թուրք պատմաբանները ճգնում են ապացուցել, որ Մերձավոր Արևելքի ու Փոքր Ասիայի հնագույն բնակիչներ շումերները (սումերները), էլամացիները և խուրրիները IV հազարամյակում Միջին Ասիայից գաղթած պրոտոթուրքեր են: Ուրարտուի պետության կազմավորման մեջ մեծ տեղ հատկացնելով խուրրիներին, նրանք փորձում են տիրանալ նաև Ուրարտուին ու նրա ստեղծած մշակույթին: Իրենց հակապատմական դրույթները հիմնավորելու համար նրանք հենվում են, օրինակ, ֆրանսիացի գիտնական Մեշենի վրա, որը գրում է. «Շատ վաղ ժամանակներից, այսինքն մ. թ. 5000 տարի առաջ, սումերներն իջնելով Կենտրոնական Ասիայի սարահարթերից, որոնք նույնպես պատկանում էին ուրալո-ալթայական ցեղին, հաստատվում են Եփրատ և Տիգրիս գետերի հովիտներում: Ուրում, Տելլույում և Լադաշում վերջերս հայտնաբերված հուշարձանները մեր առաջ պարզում են նրանց (սումերներին — Ե. Տ.) ֆիզիկական կերպարանքը՝ ամուր կազմվածք, լայն ու լիքը գծեր, ուղիղ և նուրբ քիթ, մազ ու մորուք ածիլված. սրանք ուշագրավ նմանություն ունեն այն տիպին, որին բավականաչափ հաճախ կարելի է հանդիպել Վերին Թուրքեստանի ժողովուրդների մեջ: Քարե կամ կավե տախտակների վրա փորագրված բազմաթիվ առձանագրությունները հեշտացնում են վերձանել ու վերականգնել նրանց լեզուն»⁵: Իր «հայտնագործությանը» հավաստիության գույն տալու նպատակով Մեշենը վկայության է կանչում մի այլ ֆրանսիացու՝ Ստեֆան Թոնարին: Այս վերջինը գրում է. «Այդ լեզուն (այսինքն սումերներին — Ե. Տ.) հատկանշող շատ գծեր նկատելի են դեռևս արդի թուրքերի լեզվի մեջ հաղարավոր տարիներից հետո. մոտավորապես երկու հարյուր բառեր հաստատում են նրանց սկզբնական ծագումը»⁶: Այնուհետև Մեշենը ավելացնում է. «Երկու հազար տարի անց (սումերների՝ Կենտրոնական Ասիայի սարահարթերից իջնելուց հետո — Ե. Տ.), այսինքն մ. թ. ա. 3000-ական թթ., եկել էին հեթանոսները, որոնք էլ հանդիսացան առաջին թուրքերը և Անատոլիայում հողը մշակողները»⁷:

Արդ, այս բոլորից առաջանում են հետևյալ հարցերը.

1) ճիշտ է, որ սումերները մ. թ. 5000 տարի առաջ իջել են Կենտրոնական Ասիայի սարահարթերից,

2) իրոք սումերները պատկանում են ուրալո-ալթայական ցեղին,

⁴ Նույն տեղում, էջ, 83:

⁵ Benoist-Méchin, Mustapha Kémal ou la mort d'un Empire, Paris, 1954, էջ 34—35:

⁶ Stephan Ronart, La Turquie d'Aujourd'hui, Paris, 1937, էջ 17:

⁷ Benoist-Méchin, նշվ. աշխ., էջ 34—35:

3) իսկապես սուլթաններից 2000 տարի հետո՝ մ. թ. ա. 3000-ական թթ. նույն Կենտրոնական Ասիայի սարահարթերից եկել են հեթիթները՝ հանդիսանալով Անատոլիայի «առաջին թուրքերը», «հողը մշակողները» և խաթթուշաշ մայրաքաղաքի հիմնադիրները:

4) ճիշտ է, որ «նախաթուրքեր» են Հայկական լեռնաշխարհի հնագույն ցեղային միություններն ու հասարակությունները:

Հենվելով ոչ միայն դարգացած արևելագիտության և հեթագիտության, այլև ժամանակակից մարդաբանական, լեզվագիտական և հնագիտական տրվյալների վրա, այս բոլոր հարցերին հնարավոր է տալ սիայն բացասական պատասխան:

* * *

Հնագիտական և պատմական լուրջ ուսումնասիրությունները ապացուցում են, որ սուլթանները չեն եկել Կենտրոնական Ասիայի սարահարթերից մ. թ. 5000 տարի առաջ: Սուլթանները Միջագետքի ստորին մասում հայտնվում են IV—III հազարամյակների միջև ընկած ժամանակաշրջանում կամ ամենավաղը՝ IV հազարամյակի սկզբներին:

Հայկական լեռնաշխարհի նախաբնիկների պատմությունն ուսումնասիրող հեղինակավոր գիտնական Զեյմա Բրեստըզը գրում է. «Երբ նեոլիթի շրջանից սառցայինն անցնելիս ջրերը, կամ աստվածաշնչային ջրերը քաշվեցին Միջագետքից, մ. թ. 4000 տարի առաջ Հայկական լեռնաշխարհից իջնելով Միջագետքի արգավանդ դաշտերում տեղավորվեցին կլորգլուխ արևայան ցեղեր: Այս ժողովուրդը պատմության մեջ ծանոթ է սուլթաններ անունով»⁸:

«Ժամանակակից մարդաբաններից ոմանց տեսությամբ, — գրում է ամերիկացի ականավոր հնագետ Ռոլանդ Դիքսոնը, — սուլթանները Հայկական բարձրավանդակի լեռնալանջերից իջնելով՝ Տիգրիս և Եփրատ գետերի հովտում հաստատվեցին և ստեղծեցին մի մեծ քաղաքակրթություն»⁹:

Պրոֆ. Վ. Ավդիևը գրում է. «Միջագետքում մ. թ. ա. IV հազարամյակում սկիզբ են առել պրիմիտիվ, նահապետական տնային ստրկության վրա հիմնված հնագույն դասակարգային պետությունները»¹⁰:

Սակայն, եթե սուլթանները IV հազարամյակի սկզբներին են իջել Միջագետքի արգավանդ դաշտերը, դրանից չի հետևում, որ նրանք հենց անմիջապես հաստատվել են Միջագետքի այն ծալրագույն հարավում, որը Սուլթեր (Շուլմեր) անունով է հայտնի: Այդ հաստատվելու պրոցեսը տեղի է ունեցել հետդհետե:

Միջագետքի հարավում, Սուլթեր երկրում, մարդիկ սկսում են բնակություն հաստատել միայն նեոլիթի շրջանում. այդ են ապացուցում անգլիացի հնագետների Հարավային Միջագետքում կատարած պեղումները¹¹:

Հնագետները պարզել են, որ այն ժամանակ, երբ Միջագետքի դաշտավայրը (հատկապես նրա հարավային մարզերը) դեռևս ծածկված էին ծովով,

⁸ J. H. Breasted, Ancient Times—The history of the early world, Boston, 1935, էջ 141—142: Տե՛ս նաև Wallbank and Taylor, Civilization. Past and present. vol. 1, էջ 49—51:

⁹ Rolland Dixon, The racial history of man, New York, 1923, էջ 583:

¹⁰ Վ. Բ. Ավդիև, Հին Արևելքի պատմություն, Երևան, 1947, էջ 75:

¹¹ Տե՛ս ն. Սամվելյան, Հին Հայաստանի կուլտուրան, հատ. Ա, Երևան, 1931, էջ 68 և 333:

Հայկական լեոնաշխարհը մարդաբնակ էր. մարդկությունը այստեղից իջավ Միջագետքի դաշտավայրը, տարածվելով հետզհետե ցամաքող երկրամասի վրա: Հայտնի է, որ Պարսից ծոցը հին ժամանակներում ձգվում էր մինչև Սիրիական անապատը: Եփրատ գետն այդ շրջանում Պարսից ծոցն էր թափվում ժամանակակից Հիթ քաղաքի մոտակայքում, իսկ Տիգրիսը ուներ իր առանձին գետաբերանը՝ մոտավորապես Մոսուլի շրջանում: Նշանակում է, որ Բաբելոնը այդ ժամանակ դեռևս գոյություն չուներ: Ըստ Կոնտենոյի հաշվումների¹², մ. թ. ա. III հազարամյակի ընթացքում Պարսից ծոցի ջրերը դեպի հարավ են նահանջել 200 կմ, իսկ էլեոտի կարծիքով, միայն վերջին 5000 տարում ծովը նահանջել է 250 կմ: «Մ. թ. 3000 տարի առաջ Եփրատն ու Տիգրիսը երկու առանձին գետաբերաններով էին թափվում Պարսից ծոցը, չկային Շաթ-էլ-Արաբը և սումերական առաջին բնակավայրերը», — վկայում է Կոնտենոն¹⁴:

Սումերներին հայտնի էր պղնձի գործածությունը: Այդ մասին ժակ դը Մորգանը գրում է. «Լեոններից իջնելով՝ ժողովուրդները եկան պրավելու ջրից ազատվող Քաղդեաստանը: Նրանք իրենց հետ բերում էին պղինձը: Սակայն որտեղից էին գալիս այդ մարդիկ: Անշուշտ, ոչ Իրանի սարահարթից, քանի որ Իրանի բարձրավանդակը չորրորդական շրջանում դեռ անմարդաբնակ էր, և ոչ էլ Անդերկովկասից: Այդ մարդիկ կարող էին իջնել միմիայն Հայաստանի լեոններից և բարձրադիր Ասորեստանից»¹⁵:

Ինչպես տեսնում ենք, ֆրանսիացի ականավոր հնագետ-արևելագետը ակնարկություն անգամ չունի Կենտրոնական Ասիայի մասին: Ընդհակառակը, նա գրում է. «Պարսկաստանում և Հայաստանում կատարված հնագիտական հետազոտություններով հաստատվեց, որ Թուրանական (այսինքն՝ ուրալ-ալթայական ցեղերի — Ն. Տ.) գաղթ այդ երկրների վրայով դեպի Պարսկական ծոցը տեղի չի ունեցել»¹⁶: Եվ այս վճռական խոսքը ամենափայլուն հերքումն է թուրք պատմագրության և Մեշենի զարգացրած «տեսությունների», որոնց համաձայն սումերները եկել են Կենտրոնական Ասիայի սարահարթերից:

* * *

Այժմ քննարկենք այն հարցը, թե իրո՞ք սումերները պատկանում են ուրալ-ալթայական ցեղին:

Մարդաբանական բոլոր քննությունների արդյունքները ցույց են տվել, որ սումերները պատկանում են առաջավորասիական այն մեծ ժողովրդախմբին, որին հնագետ-մարդաբանները տնվանում են «ասիականական», «փոքրասիական», «հեթիթյան» կամ «արմենոիդ»: Դրանք Առաջավոր Ասիայի, մասնավորապես Հայկական լեոնաշխարհի բնիկ ժողովուրդներն են, որոնք իրենց մշակույթով և մարդաբանական տիպով կազմում էին մի ամբողջականություն: Իսկ անհերքելիորեն ապացուցված է առաջավորասիական մշակույթների ընդ-

¹² Տե՛ս Dr. G. Contenau, Les civilisations du Proche-Orient. Paris. 1946, էջ 11:

¹³ Տե՛ս Henry Ware Eliot, Excavations in Mesopotamia, Cambridge, Mass., 1950, Tabl. 23.

¹⁴ Dr. G. Contenau, նշվ. աշխ., էջ 11:

¹⁵ J. de Morgan, L'Humanité préhistorique, Paris, 1924, էջ 249.

¹⁶ J. de Morgan, Les premières civilisations, Paris, 1909, էջ 181:

հանրությամբ ըստ հնագիտական տվյալների¹⁷։ Մինչդեռ ուրալո-ալթայական ժողովուրդները պատկանում են «մոնղոլոիդ» մարդաբանական տիպին, որի մեջ մտնում են Չինաստանի և Կենտրոնական ու Հյուսիսային Ասիայի բնիկները։

Առաջավոր Ասիայի և Հայկական լեռնաշխարհի հնագույն քաղաքակրթությունը ստեղծող ասիանականների մարդաբանական տիպը առաջին անգամ ուսումնասիրող գերմանացի հայտնի գիտնական Ֆելիքս ֆոն Լուշանը գրում է. «Առաջավոր Ասիայի սկզբնական ազգաբնակչությունը բաղկացած էր բրյունետներից (թխագեյներից) և աչքի էր ընկնում կարճազանգույնությամբ ու մեծ քթով։ Այդ ազգաբնակչությունը հարմար է անվանել արմենոիդական։ Մյուս իրենց մարդաբանական տիպը ժառանգել են հաթերից և զարմանալի կերպով միատարր պահպանել են մինչև մեր օրերը՝ հաղարավոր տարիների ընթացքում, չնայած որ միշտ շրջապատված են եղել այլադեղ, շատ անգամ թշնամի տարրերով»¹⁸։ Ուսումնասիրությունները պարզել են, որ արմենոիդ տիպը տարածված է եղել ամբողջ Միջագետքում, սկսած նրա հարավային մասից մինչև Տիգրիսի ու Եփրատի ակունքները և ապա՝ դեպի Փոքր Ասիայի արևմտյան մասերն ու Իրանի խորքերը¹⁹։

Մարդաբանական ուսումնասիրությունը ցույց է տալիս, որ սումերները նույնպես պատկանում են ասիանական կամ արմենոիդ մարդաբանական տիպին, որը բնորոշ է ոչ միայն Սումերում, որտեղ հուշարձանները նրանց պատկերում են կարճազանգ և մեծ քթով, այլև խուրրիների երկրում²⁰։

Կոնտենոն, որը մեծ հեղինակություն է հեթադիտության բնագավառում, հենվելով ոչ միայն իր, այլև շատ ականավոր արևելագետների ու մարդաբանների ուսումնասիրությունների վրա, դեռևս 1927 թ. իր մի աշխատության մեջ ժողովուրդների ասիանական (արմենոիդ) խմբի մեջ է դասում ոչ միայն սումերներին, այլև այսօրվա հայերին²¹։ Իր մեկ այլ աշխատության մեջ նա կարճազանգ ասիանականների շարքին է դասում նաև հեթիթներին ու խուրրի-միտանիներին²²։ Իբրև ընդհանուր եզրակացություն, իր այս գրքում նա գրում է. «Հին Արևմտյան Ասիայի լեզվաբնական բոլոր ուսումնասիրությունները մեզ բերում են այն եզրակացության, թե այս երկրների վաղագույն քաղաքակրթությունը արգասիք է ասիանական լեզուներով խոսող ժողովուրդների, որոնցից հնագույնն են սումերները»²³։

Ականավոր պատմաբան Նիկողայոս Ադոնցը գրում է. «Նախքան Բաբելոնիայում սեմիտների հայտնվելը, որոնք այնտեղ եկել էին Արաբիայից, Միջագետքը, Հայաստանը և Փոքր Ասիան բնակեցված էին ասիանական ցեղով, որի մի ճյուղը՝ սումերները Բաբելոնիայում, խուրրիները (սուբարիները, ու-

¹⁷ Տե՛ս Dr. G. Contenau, La civilisation des Hittites et Hurrites du Mitanni, Paris, 1948, էջ 53, նաև Արշակ Ալպոյաճյան, Պատմական անցյալը Մոփաց աշխարհի, «Նարբերդ», խմբ. վ. Հայկ., Ն. 3., 1959, էջ 186։

¹⁸ Ф. Л у ш а н, Народы, расы и языки, 1925, էջ 142—143։

¹⁹ Տե՛ս ն. Սամվելյան, նշվ. աշխ., հատ. Ա, էջ 99։

²⁰ Տե՛ս Dr. G. Contenau, La civilisation des Hittites et des Hurrites du Mitanni, էջ 29։

²¹ Տե՛ս Dr. G. Contenau, Les Tablettes de Kerkouk et les origines de la civilisation assyrienne, Paris, 1927, էջ 11—12։

²² Տե՛ս նույնի Manuel d'Archeologie Orientale, 1927—1947, հատ. 1, էջ 193։

²³ նույն տեղում։

րարտացիները — Ն. Տ.)՝ Հյուսիսային Միջագետքում և Հարավային Հայաստանում, իսկ հեթիթները՝ Փոքր Ասիայի արևելքում կազմում էին մի շղթայի երեք գլխավոր օղակները»²⁴:

Ամփոփելով վերոշարադրյալը, հանգում ենք հետևյալ եզրակացությունների.

1. Սումերները չեն եկել Կենտրոնական Ասիայի սարահարթերից մ. թ. 5000 տարի առաջ:

2. Նրանք ոչ մի առնչություն չունեն ուրալու-ալթայական ժողովուրդների հետ, որոնք պատկանում են մարդաբանական մոնղոլոիդ տիպին:

3. Արմենոիդների սկզբնական բնակավայրը եղել է Հայկական բարձրավանդակը, որտեղից նրանք հեռագոյություն տարածվել են դեպի Միջագետք և Արևմտյան Փոքր Ասիա:

4. Հայկական լեռնաշխարհի նախաբնիկ կարճադանգ այդ ցեղերի հետնորդները մինչև այժմ էլ բնակվում են Հայկական լեռնաշխարհում: Սեմիտները և հնդեվրոպականները, որոնց Ֆ. Լուշանը, Լ. Վիրխովը և ուրիշներ համարում են եկվոր, դրսեկ տարրեր, հետագայում միախառնվեցին կարճազրուխ այս ժողովուրդներին²⁵, էական ներգործություն չունենալով տեղաբնիկների մարդաբանական տիպի վրա²⁶:

* * *

Թուրքերը ցեղային ոչ մի առնչություն չունեն նաև հեթիթների (հեթիթների) հետ:

Հեթագիտության հիմնադիր Բ. Հրոզնին, վերծանելով հեթական սեպագիր և հիերոգլիֆ արձանագրությունները, գիտական աշխարհի առաջ բացահայտեց նախահեթական ժամանակաշրջանը, այսինքն՝ բնաշխարհիկ խաթերին կամ հաթերին²⁷:

«Հեթերը, — գրում է Ռենե Գրոսեն, — որոնք բնակվում էին Փոքր Ասիայի բարձրավանդակի վրա՝ Կապադովկիայում. խառնուրդ ժողովուրդ էին, հիմնականում ասիանական, այսինքն՝ բնիկ փոքրասիական, որի վրա մ. թ. ա. 2000 թ. նստել է հնդեվրոպական նվաճողների (նեսիտների — Ն. Տ.) արխատոկրատական շերտը»²⁸:

Խաթերը կամ խաթիները ունեին իրենց սեփական ասիանիկ լեզուն՝ «խաթիլի» կամ «հաթիլի»: Այդ լեզվով, իբր առածների հավաքածո, 18 նմուշներ են գտնվել Բողազքյոյում, որը խաթերի մայրաքաղաքն էր (Խաթթուշաշ): Նրանց

²⁴ Nicolas Adontz, Histoire d'Arménie, Les origines du Xe siècle au VIe siècle (Avant J. C.), Paris, 1946, էջ 374—375.

²⁵ Տե՛ս Dr. G. Contenau, La civilisation..., էջ 29—30.

²⁶ Այս տեսակետը պաշտպանում են Բ. Հրոզնին, Ն. Մարտիրոսյանը, Ա. Խաչատրյանը, Կոնտրենոն և ուրիշներ:

²⁷ Տե՛ս Hrozny, Rapport préliminaire sur les fouilles tchécoslovaques du Kultepe, 1925, „Syria“, VIII (1927).

²⁸ Acad. René Grousset, Histoire de l'Arménie, des origines à 1071, Paris, 1947, էջ 44: Հեթիթների մասին տե՛ս նաև Man, Past and Present, by A. H. Keane, Cambridge University Press, 1899, էջ 499—501: The Land of the Hittites, by J. Garstang, New York, E. P. Dutton and Co, 1910, էջ 451: Von P. Jensen. Hittites and Armenians. Preface pp. XXI—XXII vols, pp. 1—6, Strassburg, verlag von Karl J. Trubner, 1889, էջ 255.

մասին Կոնտենոն գրում է. «Այդ խաթերը կամ հաթերը իսկական հեթիթներն էին՝ ասիանականներ (արմենոիդներ — Ն. Տ.), իսկ նեսիտները, որոնք այդ ժողովրդին հեթիթներ անվան տակ հռչակավոր էին դարձել, ոչ մի իրավունք չունեին այդ անունը կրելու: Նրանց պետք է անվանենք «նախահեթեր»՝ բնաշխարհիկներին իրենց նվաճող նեսիտ-հնդեվրոպականներից տարբերելու համար»²⁹:

Այս նույն հարցերի կապակցությամբ Հրոզնին գրում է. «Հնդեվրոպացի նեսիտները շուրջ 2000 թ. մ. թ. ա. Փոքր Ասիա ներխուժեցին: Նրանք այնտեղ գտան տեղական մի ժողովուրդ, որին նվաճեցին, բայց որի հետ ավելի ուշ խառնըվեցին: ...«Արմենոիդ» տիպը, որ մասնավորապես նկարագրված է մարդաբան Ֆոն Լուշանի կողմից, անկասկած, ամենից առաջ Փոքր Ասիայի այն բնածին ժողովուրդն է, որ հեթական արձանագրություններում chattite-խաթիթ է անվանված»³⁰:

Այսպիսով, խաթի-հեթիթները ասիանականներ կամ արմենոիդներ են, ինչպես որ առաջավորասիական և առանձնապես Հայկական լեռնաշխարհի հնագույն բնիկ աղդաբնակությունը, որի մասն էին կազմում հեթերը կամ հաթերը, սուբարիները կամ խուրրիները, հայասցիները և խալդ-ուրարտները: Նրանք ոչ մի առնչություն չունեն թուրանական կամ ուրալո-ալթայական ցեղերի հետ:

Հայկական լեռնաշխարհի համարյուն և ցեղակից բնաշխարհիկ այս ժողովուրդներից յուրաքանչյուրը, ինչպես գրում է Ֆրանսիացի ակադեմիկոս Ռ. Գրոսեն, մ. թ. ա. IV—III հազարամյակներում բարձրավանդակի զանազան մարզերում ստեղծել էր քաղաքական առանձին հզոր միավորումներ: «Ձնայած որ հեթերը և խուրրի-միտանիները (նաև հայասցիները — Ն. Տ.) համարյուն ցեղակիցներ էին պատմական ժամանակաշրջանի նախոգող դարաշրջանում, սակայն դոյության պայքարը նրանց պատերազմների էր մղում միմյանց դեմ»³¹, պայքար, որը մղվում էր Հայկական լեռնաշխարհը քաղաքականապես միավորելու համար: Հեթական պետության ամենանշանավոր վեհապետ Շուպալիլի-իումային հաջողվեց իր դերիշխանությանը ենթարկել ոչ միայն Հայաստ-Ռդին, այլև խուրրի-Միտանին: Սակայն մ. թ. ա. XII դարի վերջին տասնամյակում կործանվեց հեթական հզոր պետությունը՝ «ծովածողովուրդների» ահավոր արշավանքի և ներքին մի շարք պատճառների հետևանքով, իսկ 1350 թ. (մ. թ. ա.) արդեն կործանվել էր խուրրի-Միտանի պետությունը, որի կազմի մեջ մըտնող ցեղախմբերը կազմեցին՝ Նաիրյան ցեղերի դաշնակցությունը և ապա՝ Ուրարտական պետությունը:

Հայաստան անվնաս մնաց «ծովածողովուրդների» արշավանքի ավերածություններից: Երբ Ուրարտուն իր թևերը տարածեց Հայկական լեռնաշխարհի վրա, Հայաստան կամ դրա մի մեծ մասը չէր մտել Ուրարտուի տիրապետության ոլորտը և դարեր շարունակ ներքին զարգացման պրոցես ապրեց, հետագայում իր անունը տալով Հայաստան երկրին:

²⁹ Dr. G. Contenau, La civilisation des Hittites et des Hurrites du Mitanni, էջ 24.

³⁰ Hrozny, Le Hittite, Archiv Orientalni, vol. III, № 2, 1931, էջ 272—295.

³¹ Dr. G. Contenau, La civilisation des Hittites et des Mitanniens, Paris, 1934., էջ 12.

Թե՛ տերիտորիալ-վարչական տեսակետից, թե՛ էթնիկապես և թե՛ մշակույթով հայերը եղան սուբարիների (խուրրիների), նախահեթերի, հայասցինների, նաիրցիների և ուրարտացիների ժառանգորդները:

Ուստի զուր է Ֆահրեղդին Կրրդի օղլիների գայրույթը այն անաշառ գիտնականների դեմ, որոնք «հանդգնել են» թուրքերին եկվոր համարել և Հայաստանը ճանաչել են իբրև հայերի բնօրհան:

Այսօր չկա պատմությունը քիչ թե շատ տեղյակ մեկը, որ չգիտենա, որ թուրքական ցեղերի հայրենիքն են հանդիսացել Կասպից ծովից արևելք՝ Արալ լճի շուրջը տարածվող անապատներն ու տափաստանները, ինչպես և Ամու-Դարիա և Սիր-Դարիա գետերի ստորին հովիտները: Դեռևս VII—X դարերի ընթացքում թուրքական տարբեր ցեղերը արաբների ազդեցության շնորհիվ ընդունեցին իսլամական կրոնը: Այնուհետև թուրքական ցեղերից սելջուկ-թուրքերն ու օղուզ-թուրքերը սկսեցին դուրս գալ իրենց բնօրրաններից և դեպի սարևմուտք արշավել: Այդ արշավանքների ու ներխուժումների ժամանակ նրանք իրենց ձեռքի սմբակների տակ ոչնչացնում էին նվաճված վայրերի դարավոր քաղաքակրթությունները, հրի ու սրի մատնում քաղաքներն ու գյուղերը, ծխացող ավերակույտեր թողնելով ետևում: XI դարից սկսած նրանք հետզհետե տարածվեցին ոչ միայն Հայկական բարձրավանդակի վրա, հիմնելով Շեղադյան, Շահարմենների, Խլաթի, Դանիշմանների և Օրդուխյան էմիրությունները, այլև Փոքր Ասիայում ստեղծեցին Գոնիայի կամ Իկոնիայի սուլթանությունը, որը ձգվում էր Կաբինից մինչև Մարմարա: Իկոնիայի սուլթանության քայքայման հետևանքով էրթողրուլի որդին՝ Օսմանը, միացրեց բոլոր թուրքական իշխանությունները, հիմնելով օսմանյան պետությունը և 1453 թ. գրավելով Կ. Պոլիսը:

Այսպիսով, բոլոր փաստերը աներկբայորեն վկայում են, որ թուրքերը ոչ մի առնչություն չունեն ո՛չ սումերների, ո՛չ հեթերի և ո՛չ էլ Հայկական լեռնաշխարհի որևէ նախաբնիկ ժողովրդի հետ: